

UGOVOR
Br.0602-78-5/18
o nabavci usluga iznajmljivanje digitalnih kopir/printer aparata A3/A4

UGOVORNE STRANE

UGOVORNI ORGAN: KJKP „Pokop“ d.o.o. Sarajevo, Mula Mustafe Bašeskije 38, kojeg zastupa direktor, Goran Cerić, u daljem tekstu: Ugovorni organ)
ID broj: 4200119040004; porezni broj PDV: 200119040004;

DOBAVLJAČ: „RACIONAL“ d.o.o. Sarajevo Grbavička 6, kojeg zastupa direktor Fuad Džendžo. (u daljem tekstu: Dobavljač)
ID broj: 4200012750009, porezni broj PDV: 200012750009;

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku – usluga iznajmljivanja digitalnih kopir/printer aparata A3/A4, prihvaćene ponude Dobavljača broj 0602-78-3/18 od 12.1.2018.godine i Odluke o izboru najpovoljnijeg ponuđača broj 0602-78-4/18 od 12.1.2018.godine.

PREDMET UGOVORA

Član 2.

Predmet ovog Ugovora je nabavka usluga iznajmljivanja digitalnih kopir/printer aparata A3/A4 sa uračunatim crno/bijelim i kolor kopijama, a prema prihvaćenoj ponudi sa specifikacijom usluga, koja čini sastavni dio ovog Ugovora.

- **Najam digitalnih kopir/aparata A3/A4, količina 3(tri) komada:**
 - Model C/B i Color digitalni kopir aparat A4/A3, šifra BH C 224E naziv A5C4021150818 - 1 KOM
 - Model C/B digitalni kopir aparat A4/A3, šifra IR-2870, naziv KGD 03858 - 1 KOM
 - Model C/B i Color digitalni kopir aparat A4/A3, šifra IRC-2380i, naziv DCF74704 - 1 KOM

UGOVORENA CIJENA

Član 3.

Ugovorena cijena za usluge iz člana 2.ovog Ugovora iznosi :

Cijena usluge koja su predmet ovog Ugovora bez PDV-a iznosi	5.920,00 KM
PDV na ponuđenu cijenu usluga iznosi	1.006,40 KM
Cijena usluge koja su predmet ovog Ugovora sa PDV-om iznosi	6.926,40 KM

Cijene date u ponudi su fiksne i nepromjenjive dok traje Ugovor.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi.

Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

Iznos mjesečne fakture će biti definisan utroškom odnosno količinom utrošenih kopija za sva 3 (tri) kopir aparata.

ROK REALIZACIJE

Član 5.

Dobavljač se obavezuje da će usluge definisane članom 2.ovog Ugovora izvršiti u roku, eventualne kvarove otkloniti u roku od 4 sata od trenutka prijave kvara, a u slučaju potrebe zamjeniti neispravnii aparat drugim, istih karakteristika kako bi se Ugovornom organu omogućio neometani rad.

UGOVORNA KAZNA

Član 6.

U slučaju kašnjenja u izvršenju usluga do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluge koja je predmet nabavke.

Odabrani dobavljač je dužan platiti ugovorenu kaznu u roku od 7 (sedam) dana od dana prijama zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao utjecati, niti ih predvidjeti.

OSNOVNE OBAVEZE DOBAVLJAČA

Član 7.

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

Dobavljač se obavezuje u okviru cijene i perioda trajanja najma, na prijevoz i instalaciju na adresi Ugovornog organa sa osnovnom obukom operatera, obavljati redovne servise, ukoliko će biti potrebni o svom trošku osigurati isključivo originalne dijelove i toner, te brinuti o iznajmljenim uređajima na način da budu svakodnevno sposobni za izradu kvalitetnih kopija.

Ukoliko je aparat priključen na računar ili mrežu, Dobavljač garantira ispravan rad aparata u okviru standardnog Windows okruženja sa instaliranim svim potrebnim nadogradnjama i zadnjim Service Pack-om.

Dobavljač se obavezuje da eventualne kvarove otkloniti u roku od 4 (četiri) sata od trenutka prijave kvara, a u slučaju potrebe zamjeniti neispravan aparat drugim, istih karakteristika kako bi se Ugovornom organu omogućio neometan rad.

OSNOVNE OBAVEZE UGOVORNOG ORGANA

Član 8.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

Ugovorni organ je dužan upotrebljavati aparat pažnjom dobrog privrednika, a u skladu sa najmom aparata.

Za eventualna oštećenja na aparatu, nastala zbog neodgovarajućeg rukovanja istim, zahvatom neovlaštenih osoba, korištenjem neodgovarajućeg potrošnog materijala odgovara Ugovorni organ.

Dobavljač u tom slučaju zadržava pravo, Ugovornom organu dodatno zaračunati vrijednost zamjenjenih dijelova i uslugu opravke kopir aparata.

Ukoliko Ugovorni organ ima potrebu iznajmljeni aparat premjestiti na drugu lokaciju, o istom je dužan obavjestiti Dobavljača koji će izvršiti isto.

Ugovorni organ je dužan jednom mjesečno omogućiti djelatnicima Dobavljača redovan pregled i očitavanje brojila.

Ugovorni organ je dužan prilikom izvršene intervencije na kopir aparatu – opravke, ugradnje rezervnih dijelova, dostave tonera, ovjeriti - potpisati uposleniku Ugovornog organa radni nalog, kao dokaz o izvršenoj usluzi.

Izvršena usluga je već uključena u osnovnu cijenu i ne naplaćuje se Ugovornom organu na osnovu potpisanog naloga, osim u slučaju navedenom u članu 8. stav 3.i 4. ovog Ugovora.

Ukoliko Dobavljač nije u mogućnosti poslati svog djelatnika da obavi očitavanje stanja na brojčaniku, Ugovorni organ je dužan pismenim putem (telefaks ili e-mail) obavezno obavjestiti Dobavljača o stanju brojača, najkasnije do 29-og u mjesecu za tekući mjesec. Na osnovu obavjesti će se izvršiti mjesečni obračun najma.

RASKID UGOVORA

Član 9.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

